

e-rara.ch**Dje ander Antwort über etlich unwahrhaft, unchristenlich
Antwortten, die Egg uff der Disputation ze Baden ggeben hat****Zwingli, Huldrych****Getruckt Zürich, jm 1526. Jar****Zentralbibliothek Zürich**

Signatur: 5.161,12

Persistenter Link: <http://dx.doi.org/10.3931/e-rara-2224>

e-rara.ch

Das Projekt e-rara.ch wird im Rahmen des Innovations- und Kooperationsprojektes „E-lib.ch: Elektronische Bibliothek Schweiz“ durchgeführt. Es wird von der Schweizerischen Universitätskonferenz (SUK) und vom ETH-Rat gefördert.

e-rara.ch is a national collaborative project forming part of the Swiss innovation and cooperation programme E-lib.ch: Swiss Electronic library. It is sponsored by the Swiss University Conference (SUC) and the ETH Board.

www.e-rara.ch

Nutzungsbedingungen

Dieses PDF-Dokument steht für nicht-kommerzielle Zwecke in Lehre und Forschung sowie für die private Nutzung frei zur Verfügung. Es kann als Datei oder Ausdruck zusammen mit diesen Nutzungsbedingungen und den korrekten Herkunftsbezeichnungen weitergegeben werden.


Terms and conditions

This PDF file is freely available for non-commercial use in teaching, research and for private purposes. It may be passed to other persons together with these terms and conditions and the proper indication of origin.



De ander ant-
wurt/ über etlich vn-
warhaft/vnchristens-
lich antwurten die Egg off
der disputation ze Baden ge-
ben hat/ Mit einer vorred an
ein lobliche Eydgnoschaft.
Durch Huldrych
Zwingli.

Getruckt Zürich durch Johanssen
Hager im. M. D. xxvj. jar



Den frommen Besten. 2c. gemeis-
nen Eydgnossen/enbürl. Huldrych
Zuingli.



Rad vnd frid von gott. Ma

- sol in so genau lichen zyten/so ver man vnrade
vergoumen wil/allein das war vnd vest reden
Proverb. 12. So wirt gott der die warheit vnd heil ist in
miz vnd vns sin/vns erlösen/bewaren vñ sichren vor allē
übel. Jo. 8. Hierum liebsten Eydgnossen wil ich üch mit
gott zum aller kürzesten widrum ernüweren wie in dem
handel der disputation ze Baden die sach minerhalb byß
1. vff datū diser gschrifft volfür ist/vvnd demnach über
2. Eggen vnwaarhaft vñnd vnchristenlich fürgeben gar
kürz antworten stellen/dero er gheine brechen wirt mös-
gen/aber wol rümen/als er vnd Faber vormal ouch ge-
ton habend/mine gründ die ich über sine siben schlusfres-
den anzeygt/mit sinen schand/spyz/schäper vñ schengel
worten verworffen/aber nüt har für bracht das eins hal-
1. lers wert krafft dar wider hab. Erstlich hab ich mich an
das gleyt/minen herren doch mich betreffend von Baden
von den siben Orten zu geschickt/nit gdören lassen (ich
muß ye reden wie es an im selbs ist) vß den vrsachen. Dz
die fünf Ort mir an allen orten ze schwär sind/wo sy den
hohen gwalt mögend inhaben/vß vrsachen die ich nach
einandren den botten erzelt hab/in zwey früntlichen ges-
schryfften/die im Truck noch nit vßgangen sind/ouch
demütlich verwarnet hab/wo man mir ze nachteil üg
vnderstünde ze handeln/wölte ich die selben ouch mit dem
Truck offnen. Vff das sind offen reden vßgangen/nit
weiß ich von weim/wie dz gleyt/mir gysel vnd gleitslüt



zū gebe von allen Dingen wie ich well. dz doch alles nit ist/
vßgenommen das mir die gleits lüt vff. xx. oder. xxx. man
vß Bader heirschafft bestimpt wurdend sampt dem Lād-
uoge da selbst welchs mich alles ansach/ glych als wen ich
kleiner mit ein herren oder künig einen span hette/ vñ solte
dem zum rechte fürkomen vor sinen richteren vnd in sinē
gbiēt/ vnd bleitet werden mit sinen eignen lüten /da sich
einer bald versehen möcht/das ye me in des herren lüten
vergonntind/ye mind er vergonnt wär. Vñ meret mir
den zwifel dz vorricht der fünf Orte/da sy mich vor iar
vnd tag onuerhört empfolhen habend fencklich anzene-
mē/ouch die eerlos schantlich red die doctor Egg vff ein
lobliche Eydgnoßschafft geton/darum vnser vordrētō-
liche krieg angehept vnd mit gott gesiget habend/das s
erzsygend vnd schmāher gottes:aller warheit vñ einer
lobliche Eydgnoßschafft sampt Fabern solltend offentlich
vßschriben wie sy die disputation gholffē hettind anschla-
hen da aber in sine herren/ich gschwyg mich/nit zū gelasse
sind mit vil andren vrsachen/die ich / wie vorgemelt/als
eehaft vnd rechtmēsig mein vō allen fromen erkennt wer-
den/das mir nieman verargen mag dz ich die disputatio
nit hab wellen suchen. Vñnd harwidrum des Eggen
vñnd Fabers halb By nieman one argwon ist / das ich
mich allweg berichtens embotten / doch angemeine plātz
dero ich. iij. fürgeschlagen/die sy nit schelten mögend/Vñ
vorlangest anzeigt hab das mir Baden nit gemein sye.
So aber diser platz one miner herren mich allung vnd
nach minem widerschryen so starck angenommen vnd hād-
habt ist mit so offnem vorricht miner herrē vñ min/hab
ich mich zum letzten also gegen den Botten vßgeton. Sid-
mal mir nit füegen welle gen Baden kumen / bitte ich ir
Ersam wyßheit / so man doch suß in die fāder ze reden
verordnet hab / das man mir des Eggen meinung

in gschrifft zu schicke/welle ich allweg / das so vff einen
morgen von jm verzeichnet ist / vff den nechsten morgen
darnach schriffelich verantwurten/damit mencklich sehe
möcht dz ich mit by miner leer die gottes ist gheins wegs
entfuge. Ober die min pitt ist mit ghein antwurt worden.
Als ich nun über Leggen. vij. schlusfreden mich offentlich
vsetan/hat er wol hochmütentlich geschruwen/wie er
mine gründ mit ein wort welle vnteren/aber das türest
das er darwider zeigt hatt ghein andren grund / dann
welcher sich des halten wölte müßt in der Marcioniter
Lägery vallen/wie harnach kumen wirt. Es hat ouch
Faber vor dem. xxvij. tag Mey schon hin vnd wider zu
sinen kunden geschriben wie sy in den erste dryen artickele
überwunden habind/ Da doch die Lesamen wysen bottē
zu ein/ wol wüssend dz zur selben zyt noch nit me den der
erst artickele vff der ban gewesen/vñ zum andren/so förm-
lich ordenlich vñ christenlich von Decolapadio im selbē
geantwurt ist/das ghein Christ nüz darwider wirt ver-
mögen / des ich mich vff die verscribnen irer beder red
vnd widerred bezügen. Verhoff ouch die selbig werde
onuerzogēlich von eyne loblichen Eydgnoschaft mit dē
Truck aller Christenheit one alle verendrung geoffens-
bart/ Le vnd man ützid ze articulieren vnderstand/dann
wo dz nit beschehen solte/wärind wir vnder ein rüheren
Bapstüm weder vormalye. Söltind etlich Doctren mit
andren wenigen/die alle disputationen für vnd für abge-
schlagen habend/vnd aber demnach wider ir eigen wort
gehalten (woum sy aber getröst sygind/ wirt obgotwil
der war gott an tag lassen komen) nach dem vnd sy di-
sputiert hettind/nach irem müßwillen gbott/artickele vñ
ordnungen dem Christenen volck für schryben ee vnd der
gemein Christ die reden vnd widerreden bsehen vnd erwe-
gen hette / so wärind wir ja nimmern allein vnder dem.

Bapst/sunder vnder Leggen/Fabern/Lempen. 2c. vnd
andren wenigen / das gott nit welle. So nun sy / Legg/
Faber vnnnd andre / sich des sigs offentlich berümend / vñ
etlichen geschwätzen die gheinen grund in gottes wort
habend / durch die sy doch vermeinend die gründ die ich
in nechster gschrifft anzeigt vmgestossen haben / oder ver-
hoffed damit die einualtigen ze blende: So ouch Fabern
mit zweyen dryen die jm gefielind von eim Esamen groß-
sen Ratt nit allein fry sicher gleyt / sunder ouch aller kost
verheissen vnd zñ gesagt / vnd so vil der übrigen Doctren
ze Baden vff der disputation sind ouch zñ vns fry sicher
gleyt zugesagt ist: Vnd da by vnser Eydgnossen botten
trungenlich gebetten / sy wellind die hochbütigen zñ vns
gen Zürich komen lassen / vnnnd aber sy das gheins wegs
habed wellen annemen / So muß ich / ja vñ liebe des vater-
terlands vnd der heligen götlichen warheit anzeigen wie
blind vnd blödd sich Legg vnnnd sin Part gründend. Bin
ouch da by genzlich der hoffnung jr vnser Eydgnossen
lassind Fabern mit miner Bücher brand den er vor jmm
hat gheins wegs für faren. Wie wol mir mines namens
halb wenig daran ligt / sunder mir ligt me an eynt lobli-
chen Eydgnoschafft / das die nit vñ vnser erb sy genden
willen an eim gebornen trüwen Eydgnossen lasse begon-
des sy weder glimpf noch füg habend / Dann sy mich für
vnd für geflohen / vñ yetz zum letzten vff so erlich / kostlich
erbiten miner herren mir nit habed nachen wellen. Das
rus offentlich ermessen wirt / das sy alle ding hinder mir
habend wellen handlen. Desßhalb ich ouch wurd die
schmach des brands miner leer die gottes ist ze retten.
Frömen Eydgnossen ich halt allein vff Christenlichen
fryden / vnd wirt sich aber ander that erfinden / das Fa-
ber / Legg vnnnd ir Part zñ zertrennung eyner loblichen
Eydgnoschafft werbend / wie ich allweg anzeigt hab /

darum sind vñ gots willen nit so hinleßig das ir nit eigen
lich vffschind/denn mit vnserem zwytracht mag vns der
fygend gewünnen vñ suß nit/als ich got truw. Der welle
vns vmb der gnaden sinis suns Jesu Christi willen in ei
nigheit behalten damit wir behaltind das vnser vordien
vns gewonnen habend. Dann wir suß in allen wesentli
chen stucken Christenlichs gloubens ganz einhällig sind/
allein in vffelichen dingē sind wir vom Bapstüm zu zwy
tracht gehezt/den wirt gott hinnenemen. Amen. Geben
Zürich am. iij. tag Brachott.

2.

Jetz volgend Eggen gründ.

Egg hatt sich mit so lāzen gperden vnd reden vff der
disputation vffgeton/das/gott sye lob/sin torheit ein ye
den einmaltigen wol hat mögen offenbar werdē. 2. Tim. 3.
Aber die grooß vnuer schampre die er hatt gottes wort ze
velschen/ist allein den gläubigen erkannt/vñ vons denē
die gar vil geübte sinn vñ dancken habend in gottes wort
/14. Hebre. 5. Welchs alles am tag kommen wirt in der ver
schribnen handlung. Darum ich mich hie nit vndernim
von allen sinen velschügen gottes worts zereden/welchs
im ouch die disputierenden offte habend müssen vmb sinis
übeimessigen bladers willen/durch die hand lassen gon/
allein dz man doch erwan zu ein ort kem. Sund ich wil
allein in etlichen articlen die sum anzeigē/indero er sinē
fuß setzt vnd vermeint/mine gründ im vordrigen Büchlin
vñ suß angezeigt vmker habē/so er sy doch nū geuuffet hat.

Vber die gründt syner ersten schlusfreden/die ich im
Ertzlich anzeigē/vermeint er mit disē gschwātz gearwint
haben(Bezüg mich doch hie dz ich nit me den die meinūg
nit die gezelten wort anzeigen kan/dañ man nieman hat
lassen anschryben vffgenommen die. iij. verordneten schryb
ber/ Dann ich mich des fünften nütz belad/vnd die so du

spütiert habēd. Ich wil aber da by der meinūg nit fälen/
vñ mich der worten halb vff die verschrybung Bezügen)

Leggen meynung.

Der lychnam Christi sye sichtbarlich jm himel/aber
vn̄sichtbarlich im Sacrament des altars.

Hieruff sag ich erstlich/das man Leggen gar ghein
antwurt dörffte vff dise red zegeben/dan Christus redt nit
weder min sichtbarer noch min vn̄sichtbarer lychnā/da
er die Danc̄sagung yn̄sart zū gedechtnis synes tods/
vnd sprach/ Das ist min lychnā der für ouch hinggeben
wirt/er spricht nit/das ist min vn̄sichtbarer lychnā. Des
halb des Leggen sichtbar vñd vn̄sichtbar nit sol gehört
werden/er bringts vñ jm selbs. Den wo glych die alten
habend vom vn̄sichtbaren essen geredt/habend sy allein
das vertruwen vff den herren Christum Jesum verstan
den/welchs vn̄sichtbar aber wüssenhaft jm hertzen der
gläubigen ist/vnd habend von gheinem lyplichen vn̄sicht
baren essen lyplich verstanden/vñd mag deshalb Legg
mit sinem vn̄sichtbaren nienen hin kumen. Aber zū ein
überfluß als er spricht merck.

Zum andren wil ich anzeigen das Legg eintweders in
offne k̄tzery Marcionis vallen muß oder aber erkenen
dz weder lyplich fleisch noch blūt jm Nachtmal des herre
geesse wirt vñ dz mit den selbs wortē Christi. Also k̄nzlich.

Hat vns Christus mit den worten/ Das ist min lychnā
sinen lychnā lyplich zeeßen ggeben/so hatt er vns
inn ouch sichtbarlich zeeßen ggeben. Bewernus.

Dan er spricht Luc. 22 / Das ist min lychnam der für / 19.
ouch hinggeben wirt.

Nun ist aber er nit vn̄sichtbarlich für vns in tod gebē/
sunder sichtbarlich / pinlich/schmerzglich vnd mit solchē
lyden das er vñ dem selben nach mēschlicher natur schree.
Min gott Min gott wozum hastu mich verlassen.

So volge das er in diesem Sacrament sichtbarlich emp-
pfintlich wieer am kreuz gehängt ist müste geessen wer-
den/wo wir die wort/das ist mein leichnam/wellend ver-
ston das da der lyplich leichnam Christi sye.

Sagt aber Egg für vñnd für/er werde lyplich doch
vn sichtbarlich hie geessen/so ist er ein offener Marcionit/
denner müste ouch vn sichtbarlich vñ onschmerzlich für
vns hinggeben sin/das ein offne schmach/lestrung vñd
fräuel ist.

Aber er gibe den einualtigen also für. Eben der leich-
nam der für vns ist sichtbarlich hinggeben/den essend wir
vn sichtbarlich. Das doch nüz den ein farw der erdich-
ten Worten ist/vñd nit der sinn der Worten Christi/dann
also müß er denn die wort Christi übergwaltigen. Das
Brot ist mein vn sichtbarer leichnā der für üch sichtbarlich
hinggeben wirt. Sich frömer vñd geleter ob nit Egg
siner eignen kunst wiß sye mit dem relatiuo/quod/Der/
dz müß in alle wyß vñd maß vff den leichnā zeichnen wie
erstlich daruon geredt ist. Spricht er nun/das ist mein
vn sichtbarer leichnam/so müß er ouch sagen das er vn-
sichtbarlich für vns hinggeben werd/dann diß wort/der/
oder/welcher/müß eigentlich das vorder verzeigen/oder
aber Egg paralogiziert vñd rechnet den sinn der Worten
vñsch. Laß dich aber das nit jren du einualtiger/sinß
sprich/ist das der sinn. Das ist mein vn sichtbarer leichnā
der für üch sichtbarlich hinggeben wirt? So sag an ob
der sichtbar leichnam Christi vñ der vn sichtbar ein leich-
nam sye. So spricht Egg/ja. Sprich du widerū Que-
cunque sunt natura eādem/quicquid est vñus/etiam
est alterius/dz ist/welche ding ein ding sind/da volge wñ
des einen eingenschaft sye/dases des andren eingenschaft
ouch ist. So nun dem sichtbaren leichnā Christi nit zimpe
geessen werden: oder me denn an ein ort einmals sin/

so muß ouch dem vnſichtbaren lychnā gheins wege zim-
men geessen werden noch einamals me den an ein ort ſin/
daß ſy ſind nun ein lychnam als ouch Egg verichen hat
vnd kumpt die vnſichtbargheit nit von natur des lychnās
ſunder von dem der die ougen verhebt das ſy nit ſehend
Luce. 14/ Der vnſichtbar lychnam iſt nütz anders dann
der ſichtbar lychnam / vnſeren ougen entzogen/ So iſt
ye der vnſichtbar lychnam nüt weſenlichs / ſunder allein
priuatio corporis / enziehen des lychnams / dauon redt
aber Egg glych als ob es ouch neis was weſenlichs ſye:
gibt jmm ein namen glych als / da einer den abweſenden
Keiſer fürgebe für einen gegenwürtigē Keiſer drum dz
er mit den worten reden kan / der abweſend Keiſer / ſind
ytel blindūgen. Kan ouch de priuatione nit anderſt re-
den / denn die ſophiſten als ob die etwas ſye. Sich in die
ytelen Philoſophy zücht Egg mit ſinem Bladren / Vnd
wil aber deß nit gſehen ſin / vnd wenneſo vnuerſchampt
abfür / legt es demnach noch vnuerſchāpter vff and lüt.

Aber des Eggen letzte flucht iſt allweg geweſen.
Solt es gott nit möglich ſin dz der lychnam Chriſti ſicht-
barlich zū der grechten des vatters ſäße / vnd vnſichtbar
lich by vns im Sacrament geessen wurde damit bla-
dret er herin. Anwurt. Das habend wir vil mal ver-
antwort / namlich / zum kürzeſten / alſo. Das gott nit
möglich iſt wider ſin wort vnd verordnung ze thūn.
Der hatt verordnet das ſin ſun an ſiner grechten ſitzen
ſol / Byß am jüngſten tag. Psalm. 109. Mat. 26. 64.
Daruñ iſt er an gheim andren ort lyplich / der aber nach
der gottheit allenthalb iſt / ouch nach dero by Paulo ge-
weſen iſt Act. 9. vñ andren orten. Es volgt ouch gheins
wegs gott vermag das / ſo iſt es ouch. Dannes volgt nit.
Er mag den tag in die nacht verkeren / ſo iſt der tag die
nacht oder tag vnd na cht iſt einding. Oder aber es

müß also volgen/Gott mag den Eggen zu ein Mulesel
machen/so ist er ouch ein Mulesel.

Darinn die vnd ir glychen alensfenz Eggens/schant-
lich verkerungē vnd verdüncklungen sind gottes worts
ja verjchndungen:vnd mindrungen der glori vnd Er
Christi der zu des vatters grechten sitzt: vnd ver wir-
gen der Beden vndercheidnen naturen in Christo /dero
die götlich alle ding durchtringt/allenthalb gegenwärtig
ist. Aber die menschlich allein an ein ort sin mag nach
gottes verordnung vñ ansehen/vnd ist von der gbur hat
nie me zermal weder an ein ort rin/wirt ouch nimer me an
der st erfunden/wie ouch in d vordren gschuft ins Bapsts
rechten ist anzeigt/Er sitzt zu der grechten des vatters/
da findt man jñ nach der menschlichen natur/vnd wer er
ander schwo damit/so hette ers wol können anzeigen. Dz
mag nit Egg noch Faber: sind kein mēsch vff erde breche.

Vom andren artickel. Das die mē ein opfer sye/in
dero der lychnam vnd blūt Christi vsgelopfret werdind.
Hat Egg Berchtolden Predicantenze Bern sine gründ
nit mögen vmkeren die er vñ der epistel zunn Hebreern
angeigt hat/dz die mē nit ein opfer sye/wie vil gswāzes
er jmer bucht. Demnach hat er sich an ein dñckel ort Danielis.
12. fert /der liechtflüchtig Hurv vñnd gesprochen
Berchtold solle jm sagen was Daniel da selbst meine da
er spricht. Donn dem 3yt hin/nach dem das emsig opfer
wirt hingenomen. 2c. Vñnd wie wol Berchtold jm daz
über ring hette mögen antwurt geben vñ dem 9. capitel
dantior/ dorin der prophet häller von der 3yt Christi rede
den ghein anderer vnd zeigt da an dz Christus zu der 3yt
komen solle als er ouch komen ist/vnd demnach werde al-
les opfen vñhören. Noch hat er sich nit lassen vom liecht
abfuren. Vñnd hatt jmm weder Egg noch nieman sine
gründ gmögen vmkeren das sy jñ ab der Cangel hand

müssen lassen. Hab ich allein daruñ zelle/das menschlich
sehen mög/wie wol inen vnd iren mitteilen anstande/dz
sy allenthalb hin embütend/sy habind überwunden/das
ich wol weiß nit sin vñ bezüg mich des vff die angeschrib
nen handlung der fier ge schwornenschryberen.

Darzu hat sich Egg zu der luge kert. Der heilig
apostel Jacob hab meß gehebt vnd sy habind da Bücher
damit sy bewären wellind/das die meß in die fünfzehn
hundert jar alt sye. 12. Diesen schantlichen lug habend sy
den einualtgen also ze glouben ggeben/das sy druß an
hin gond vnd wennend es sye also. Werck aber fromer
Christ/Xedend sy von der meß als sy das Bapstüm bis zu
vnsrer zyt gebrauchet hatt/so ist offenbar dz der Canō nach
vñ nach erst ist vō den Bapstē zemen gsetzt. Etliche stuck
sind erst hiedisef nūnhundert jaren hünzu komen/bin ich
recht yndencf. Hab nit wil über die zyt Bücher ze louffen.
Aber es felt wenig.

Darzu ist bis in die fünfhundert jar nach Christo
dis wort meß von gheinen weder apostlen noch leerer ge
nennet worden/nach sind sy so vnuerschampt das sy den
einualtigen so frāuen lüg gdōren fürgeben

Xedend sy aber von der meß deshalb das die Apostel
oder alten leerer das Nachtmal Christi für ein opfer ha
bind ghebt/so redend sy valsch vnd vnrecht. Vnd bezüg
mich des vff alle Apostel vñ Euagelisten besund vff Lu
cā vñ Paulū die bed mee vom Nachtmal Christi geschrib
ben habēd weder ander/dan dero gheiner es ein opfer ge
nēnet hat vñ muß denocht Pau. den Corin. 1. Cor. 11. den
rechten bruch vnd ynsatz zellen vñ ires mißbruchs willen
(der vnder sy nit so bärlich gewachsen wer / wo sy das
Nachtmal für fleisch vnd blüt oder für ein opfer gehebt
hettind) noch nennet ers vß vnd vß Brot vnd wyn/er nen
net ouch die selben ghein opfer nit. Lucas redt in den ges

schichten also. Sy verharrend oder hangerend an der leer der Apostlen: in der gemeind: vnd in Brot brechen. 20. Die nennens Lucas nütz anders dem Brechen des Brots mit den lychnam Christi/ mit ein opfer das er doch gheins wegs vnderlassen hette/ wo die Apostel es dafür ghebt dafür es vns der Bapst geben hatt.

Erasmus Rotterodamus erkläert dise wort Luce also. Die sich zu den jüngeren vereinbart hattend / die verharretend in der leer der Apostlen (dañ da hat wirt das zunemen aller gróß) vnd in dem niessen oder nemen des zeichens des punds 8 nimmer me gebrochen werde sol/ welches sy die gemeinsame namtend. Das was inen vom herren also gegeben. Man brach das Brot/ vñ gab dauon ein yeden ein stückle/ vñnd wie sy das tatend zu gedechnus des tods des herren/ sagtend sy danck der gölichen güte/ der sy mit dem blüt seines einigen suns von sunden gereiniget hat: der durch des selben tod/ den er vnschuldig leyd/ sy zu erben des ewigen lebens gemacht hatt. Also sind ouch die wort Luce ze verstou/ wie sy bishar der hochgeleert Erasmus erkläert hat. Wo ist hie meß/ fleisch vñ blüt/ oder opfer? Es sind alles gdict des gyts. Darius vñd Act. 20. eigentlich ermessen wirt das weder Jacobus noch die andren Apostel meß noch das Brot für den lychnam Christi gehalten habend als Egg vñd Faber vñ warlich darthünd. Hieronymus gschrift von Jacobo dient vns vñd ist offentlich wider Eggen vñd Fabern.

Wo aber die alten leerer das Nachtmal des herren ein opfer nennend/ tünd sy das Metonymice das ist durch ein nachnennen/ als da wir sprechend/ hüt ist die vffart Christi/ fart daruñ Christus hüt nit ze himel/ aber der einest beschennen vffart nennend wir die widergedechtnus der vffarr nach/ Glych als wen einer spricht/ Das ist die schlacht ze Tomach/ ist es nit die schlacht/ sinder

ein gemeld oder bedünkus der schlacht. Also habend die
alten leerer oft das Nachtmal ein opfer genennet/dum
das es ein dancksagung des opfers was/das Christus
einist für vns vſgeopfert hat/vnd deß habend sy sich all-
weg offentlich lassen mercken. Wie danñ solichs von De-
colampadio gnugsam, ouch andren vnd mir ist anzeygt.

Im drytten artickel der von der heiligen fürbitt luter/
hatt jm Decolampadius zu gemüet. Er solle jm doch
vſ altem vñ nürwem testament nit me den ein küntschaft
anzeigen/da einer vſ disem zyt verſcheiden vor gott für
vns gebetten hab. Daruff hatt Egg geantwurt. Er
mög ghein gſchrift daruñ anzeigen/er halte sich aber
der Christenlichen kilchen die halte der heiligen fürbit.
Er hatt ouch oft geredt/wenn er glych ghein gſchrifte
ymb ein ſtück hette wölte er dennocht gloubendz die kilch
gloub. Zeig ich allein daruñ an/das mencklich ſehe wie
ſich Egg ſo offentlich überwunden anzeigt ſo er ſpricht/
er habe nit gſchrift daruñ vnd ſol aber allein gſchrifte
gelten. Ouch dz man ſehe das weder er noch Faber wüß-
ſend was die Christenlich kilch iſt/vñ wellends aber mich
leeren. Werck aber kurglich fromer Christ.

Kilch Christi. Iſt nüz anders weder das volck Chris-
ſti. Iſt vormal anderswo rychlich bewert.

Das volck Chriſti iſt/dz ſich vſſ dz blüt vñ ſterbē Chri-
ſti als vſſ dz einig gnadē pfād verlaßt. Gſchrift iſt deß vol.

Diſe kilch oder volck Christi hört allein die ſtim tres
hirten vnd Biſchoffs Christi. Jo. 10. vnd. 1. Petri. 2.

Diſe kilch oder volck Christi loſt nebend Christo ghei-
nem andren. Jo. 10.

So volgt/Das wo Egg one gottes wort loſt oder rede-
das er ſich der kilchen Christi nit rümen darff/dann die
hört noch redt nüt das nit vſ gottes wort kumpt. Aber
ſy blendend alle mēſchen mit dem namen Chriſtlicher kilch.

Sie ergebe er
ſich mit ſinē
eigenen wort

ben/vnd mögend aber sy der Eilchen nit sin/dan sy hörd
nit allein des herten stin. So vil hab ich von Eggen
antworten die by den einueltigen etwas schyns habend
wellen anzeigen/vnd wenn ich sin vngeschickten wysen
vñ wort ze voll ghör von den andren schlusfreden wil ich
sy mit gott ouch vñ keren. Demnach hat Egg vil artick
el zemen dichtet vñnd pseudologiam Zuinglis genntet/
heist billich das lügen büch über den Zuingli. Dann er
erstlich nit anzeigt an welchen orten ich die wort red/nun
das man sin liegen nit bald finde/darnach rupft er mir
etliche vñ irem naturlichen ort vnd velscht mir inen den
sinn:etliche mindret er mir:etliche dichtet er vff mich:etli
che kert er mir lez dar:etlicher schiltet er mich die doch
der recht war Christen gloub sind. Als da er zum aller
ersten spricht wie ich geredt hab weñ sich der mensch mit
zeichen des crüzes zeichne erschrecke er. 2c. Ist erdacht.
Vnd da ich sag. Der gloub des Euägely ist nütz anders
dann ein sicherheit zü gott da einer gewüß ist das er sällig
werd durch Christum. Kert er mir in ein irrung. Vnd
da er mich verdacht macht als ob ich den rüm vnser ge
leerten in den sprachen vff mich geredt hab/vñ also durch
vñ vñd vñ/ist von gotsgnaden ein stuck nit dz er mir red
lich engegen werff. Darum ich jñ nit darff antworten/
dann die min geschriffte gelesen habend wüßend wol wie
er mir allenthalt gwalt thut/die sy nit lesen wellend/las
send mich nit verantwurt sin da ich warhafft bin.

Hierum fromen getrüwen Eydgnossen. Ir wellind
üch Sabers vnd Eggen leer vñ fürnemen gheins wegs
lassen ynshwegen/dan sy an allē orten glych als valsch
vñnd betrogen ist als an den yetz angezeigten / wie wol
sy die mit fräfnen vñd gwaltigen Worten der welt vnder
stond vñzebinden/dann wo sy nit mit vorteil hetind wels
len vngan wärind sy wol vor jar vñ tag zü minen herren

yspil im na
ng.

im mittel.

im letzten.

gen Zürich komen/aber sy hand das liecht by vns nie mös
gen ansehen/sunder allweg dahin getrungen da sy vorhin
wol wussend das wir von Zürich dahin nit kamend/vnd
gemeine plätz nit wellen an nemen/die ich inen güter zyt
fugeschlagen hab. Es ist ouch gar vast vßgebrochen dz
sy/Faber vnd Egg/werbind vñ aach des Keisers vnd
Bann des Papsts/über etliche gebot vnd sätzung die man
sölle vßlassen gon/gleich als ob wir Eydgnossc vns ouch
vnder die selben ergen söllind. Da werind all from Eyd-
gnossen/dann jm Friden des schwaben Kriegs ward mit
vßgetruckten Worten vergolunt/das man vns nit ähen
sol. vnd wenn wir vns yetz müßwillich vß weniger lüten
gwallt/widrum ließind ynfüren/das wir die Keiserischen
aach ouch mit vnserem annemen oder mit ähen bestäte-
tind/was hoffnung köndind wir me haben/ein lobliche
Eydgnoschaft by einander ze behalten? So weist nun
für hin mencklich was des Papsts Bann gilt/vnd söltind
wir den widrumß annemen / wec vnseren nachkomen.
Wenn man einen tropfen pfäffers gleich von stund an
ab dem tischlach vßnimpt/so schabt man jnn so wol nims
mer denn es blibt alweg ein masen. Also gibt man
vns in dem handel nüt so süßerlich noch schynlich für/
es wirt vns etwas müy vnd arbeit hinderim lassen. Sy
tröstend sich vnser einualtigheit/vermeinend/dz sy wuß-
send die warheit sin/noch nit erkennt werden darumb
yléd sy/aber lasse man nun die handlung wie vorge
meldt vßgon. Le vnd man ürid be-
schliesse/ so wirt mencklich
ir vñtrüw sehen.

Gott welle vns Friden vnd gnad senden. Amen.